



12. ORDENANTZA FISKALA, ZABOR BILTZE ETA EZABATZE ZERBITZUAREN GAINEKO TASA ARAUTZEN DUENA

I. OINARRIA ETA IZAERA

1. ARTIKULUA

Erandioko Udalak zaborrak biltzeko eta ezabatzeko zerbitzuak emateagatik tasak ezarri eta eskatuko ditu Ordenantza honetan xedatuaren arabera eta Lurralde Historikoko Toki Ogasunak arautzen dituen Foru Arauan ezarritakoarekin bat etorritik. Ordenantzaren eranskinean jasotzen dira aplikagarri diren tarifak.

II. ZERGAGAI

2. ARTIKULUA

a) Honako hau da Tasaren zergaia: etxeko zaborren eta hiri hondakin solidoen derrigorrezko bilketa zerbitzua, hondakin solidoak industria, merkataritza eta lanbide jarduerak, nahiz jarduera artistikoa eta zerbitzuak garatzen diren lokal eta establezimenduetakoak edota etxebizitzetakoak izanik ere.

b) Horretarako, etxeko zabor eta hiri hondakin solidotzat hartuko dira lokalen zein etxebizitzaren ohiko garbiketaren ondorioz sortzen diren hondakin eta zaborrak eta ez dira halakotzat joko industria hondakinak, obra-hondakinak, gai eta material kutsatuak, korrosiboak eta arriskutsuak, ez eta biltzeko neurri higieniko, profilaktiko eta segurtasunezko bereziak eskatzen dituztenak ere.

c) Ez da Tasa honen kargapekoa izango altzariak eta etxeko tresnak erretiratzeko zerbitzua. Zerbitzu hori interesatuaren eskariz egitekoa da eta aukerakoa.

III. SUBJEKTU PASIBOA

3. ARTIKULUA

a) Ondorengo hauek dira tasa honen subjektu pasibo zergadunak: pertsona fisikoak, pertsona juridikoak eta Zergei buruzko Foru Arau Orokorreko 34. eta 35. artikuluek aipatzen dituen erakundeak baldin eta zerbitzua ematen den leku, kale, plaza eta bideetan kokatutako lokalak eta etxebizitzak erabiltzen badituzte, jabe izan, gozamedun izan, maizter izan ala jabari mugatuko beste edozein eskubide erreal izan.

b) Etxebizitza edo lokalen jabea izango da zergadunaren ordezkotako subjektu pasiboa, eta zerbitzuaren onuradun diren erabiltzaileei jasanarazi ahal izango die, hala badagokie, berak ordaindutako kuotak.

IV. ARDURADUNAK

4. ARTIKULUA

a) Lurralde Historikoko Zergei buruzko Foru Arau Orokorreko 40. eta 41. artikuluek aipatzen dituzten pertsona fisiko eta juridikoek izango dute subjektu pasiboari dagozkion zerga-obligazioen gaineko betebeharrak solidarioak.

b) Zergei buruzko Foru Arau Orokorreko 42. artikuluan xedatuaren arabera, ondoko hauek izango dira erantzule subsidiario: elkarteetako administratzaileak eta sindikoak, kiebra, lehiaketa, elkarte eta edozein entitateko kontuhartzaile zein kitatzaileak.

V. ZERGA KUOTA

5. ARTIKULUA

Lokal bakoitzeko zenbateko jakin bat izango da zerga-kuota eta Ordenantzaren Eranskinean zehazten dira zenbateko horiek higiezinen izaera eta xedearen arabera, bai eta lokal horiek kokatuta dauden kale, plaza edo bideen kategoriaen arabera ere.

VI. SORTZAPENA

6. ARTIKULUA

a) Zerbitzuaren emakida hasten den unean bertan sortzen da Tasa eta hori ordaindu beharra, beti ere, Tasa ordaindu beharra duten zergadunek erabilitako etxebizitza edo lokalak kokatuta dauden kale, plaza zein lekuetan etxeke zaborren bilketa zerbitzua martxan bada.

b) Behin zerbitzua ezarrita eta martxan denean, egutegiko hiruhilabete bakoitzeko lehen egunean ordainduko dira kuotak.

VII. AITORPENA ETA SARRERA

7. ARTIKULUA

a) Tasa lehenengo aldiz sortzen den egunetik hogeita hamar lanegun izango dute subjektu pasiboek matrikulan inskripzioa egiteko; horretarako, dagokion Alta aitorpena erakutsi eta lehen hiruhilabeteko kuota ordainduko du.

b) Matrikulan zehaztutako datuak nolabait aldatu egin direla jakitean (bai udalak ofizioz jakinda zein interesatuek hala jakinarazita), bidezko diren aldaketak egingo dira, eta aitorpena egin den egunaren osteko hurrengo kobraketa-aldian sartuko da indarrean.

VIII. ARAU-HAUSTEAK ETA ZEHAPENAK

8. ARTIKULUA

Zergei buruzko Foru Arau Orokorreko 196. artikuluan eta ondorengoetan xedatuaren arabera sailkatuko dira zergei buruzko arau-haustek, bai eta, hala dagokionean, bidezko diren zehapenak ezarri ere.

IX. XEDAPEN GEHIGARRIA

Aurrekontuei buruzko Foru Arauen bidez zein zuzenean aplikagarri diren bestelako arau edo xedapenen bidez Tasaren araubidean gertatzen diren aldaketek Ordenantza Fiskal honen aldaketa



eragingo dute, besterik gabe.

X. AZKEN XEDAPENA

Honako Ordenantza hau 2008ko urriaren 29an izandako Osoko Bilkuran aldatu du Udalbatza Osoak, eta 2009ko urtarrilaren lehenetik sortuko ditu ondorioak, harik eta aldatzea edo indargabetzea erabaki arte. Ordenantza fiskal honen zati bat aldatuz gero, aldatu gabeko gainontzeko artikuluek indarrean iraungo dute.

ERANSKINA

TARIFAK

KALEAREN KATEGORIA

AZALPENA

1.

2.

1.- Etxebizitza bakoitzeko	19,45 €/hiruhil.	15,00 €/hiruhil.
2.- Janari dendak, ostalaritzako lokalak, edaritegiak, ikuskizunak	60,00 €/hiruhil.	56,80 €/hiruhil.
3.- Era guztietako dendak, banketxeak, bulegoak, klinikak eta antzekoak, profesionalak, komunitateko garajeak (4 ibilgailu baino gehiago), irabazi-asmorik gabeko gastronomia eta olgeta-jarduerak (txokoak).....	38,75 €/hiruhil.	35,00 €/hiruhil.

3.a- Okupatu gabeko lonjak, garaje modura (gehienez 4 ibilgailu) eta tresneria gordetzeko erabilitako lonjak:.....9,75 €/hiruhil.

Bigarren eta hirugarren ataletan araututako kuotak, gehienez 25 m²-ko azalera duten establezimenduentzat izango dira ezargarri.

25 metro karratutik gorako azalera duten establezimenduei, ondoren azalduko diren kopuruak gehituko zaizkie dagokien tasa aplikatzeko:

- 25 m ² -tik 50 m ² -ra	25%
- 51 m ² -tik 100 m ² -ra	50%
- 101 m ² -tik 200 m ² -ra	75%
- 201 m ² -tik 500 m ² -ra	150%
- 501 m ² -tik 1.000 m ² -ra	200%

Lehenengo 1000 m²-ei dagokien %200eko gainkarguaz gainera, hasierako tasaren metakorra ez den %25a ere ordainduko dute lehenengo 1000 m²-tik gorako 500 m² bakoitzeko edo zatiko. Aipatutako azalera hori gainditzen dutenek, metro lineal bakoitzeko edo zatiko dagokien tasa %20 gehituz ordainduko dute.

4.- Era guztietako industria, tailer eta lantegiak, 6 langile arte dauzkana	50,45 €/hiruhil.
Berauek 7 langiletik 20ra bitarte.....	133,90 €/hiruhil.
Berauek 21 langiletik 50era bitarte	267,40 €/hiruhil.
Berauek 51 langiletik 100era bitarte.....	416,20 €/hiruhil.
Berauek 101 langiletik 200era bitarte.....	742,85 €/hiruhil.
Berauek 201 langiletik 400era bitarte.....	891,50 €/hiruhil.



Lehenengo 400etatik gorako 200 langile bakoitzeko edo zatiko meta ezineko %25ean gehitua ordainduko dute aurreko tasa. Industria batek noizbehinkako langileak okupatzen dituenen, oinarria aurreko urteko langileen batz bestekoa izango da.